




# 書之道

No. 488

令和3年 4月号

・樂毅論（在日本）



夫求古賢之意宜以大者遠者先之必迂迴  
而難通然後已焉可也今樂氏之趣或者其  
未盡乎而多劣之是使前賢失措於將來  
不亦惜哉觀樂生遺燕惠王書其殆庶乎  
機合乎道以終始者與其喻昭王曰伊尹放  
大甲而不疑大甲受放而不怨是存大業於  
至公而以天下為心者也夫欲極道之量務以  
天下為心者必致其主於盛隆合其趣於先

王苟君臣同苟斯大業定矣于斯時也樂生  
之志千載一遇也亦將行千載一隆之道豈其  
屑蹟當時心於無并而已哉夫無并者非  
樂生之所屑彊燕而廢道又非樂生之所求  
也不屑苟得則心無近事不求小成斯意兼  
天下者也則舉齊之事所以運其機而動  
海也夫討齊以明燕之主義此兵不興於為  
利矣圍城而害不加於百姓此仁心著於邀  
邇矣舉國不謀其功除暴不以威力此至德

全於天下矣。邁全德以率列國，則幾於湯武之事矣。樂生方恤大綱，以縱二城，牧民明信以待其弊，使即墨莒人，頌仇其上，願釋于戈，賴我猶親善守之，智無所之，施然則求仁得仁，即墨大夫之義也。任窮則從，微子適周之道也。開彌廣之路，以待田單之造，長容善之風，以申齊士之使，夫忠者遂，節通者義，著昭之東海，屬之華裔，我澤如春，下應如草，道光宇宙，賢者託心，鄰國傾慕，四海延頸，思戴燕主，仰望風聲，二城必從，則王業

隆矣雖淹留於兩邑乃致速於天下不幸  
之變世所不面敗於無成時運固然若乃逼  
之以威劫之以兵則攻取之事求欲速之功使  
燕齊之士流血於二城之間侈教傷之殘示  
四國之人是縱暴易亂貪以成私鄰國望其  
猶豺虎既大墮稱兵之義而喪濟弱之仁  
嚮齊之節廢廉善之風掩宥通之度棄  
王德之隆雖二城幾於可拔霸王之事逝其  
遠矣然則燕雖兼齊其與世主何以殊哉其  
與鄰敵何以相傾樂生豈不知拔二城之速

了哉顧城拔而業乖豈不知不速之致變  
願業乖與變同由是言之樂不屠二城其  
亦未可量也

天平十六年十月音

藤三娘